

N. 24.

A. D. 1278.

(14 maggio, Indiz. VI).

<i>Data di luogo</i>	Conversano.
<i>Rogatorio</i>	Angelo di Conversano.
<i>Descrizione</i>	Gotica. La pergamena è rotta all'orlo destro. 24 × 33.
<i>Contenuto</i>	Istrumento di oblazione con cui Maione figlio del q. Lupone de Amaricanza e Cita de Veterana, sua moglie, donano all'Abbadessa Isabella parecchie proprietà.
<i>Bibliografia</i>	Inedita.

Anno incarnationis domini nostri Iesu Christi Millesimo ducentesimo Septuagesimo octavo. Regni vero domini nostri Regis Karoli dei gratia Rege Regnorum Ierusalem Sicilie ducatus Apulie et principatus Capue Alme Urbis Senatore Andegavie Provincie Forqualquerii et Tornadorii Comite et Romani Imperii in Tuscia per sanctam Romanam ecclesiam Vicarii generalis Regnorum eius Ierusalem anno primo Sicilie vero anno terciodecimo. Mense madii quartodecimo eius et sexte Indictione apud Cupersanum. Quia generis humani condicio semper a primi parentis origine in rota mortalitatis involvitur et de esse deducitur ad non esse. et quia omina sunt hominum tenuo pendencia filo et subito casu que valere ruunt, ideirco nos Maionus filius quondam Luponis de Amaricanza et domina Cita filia quondam Iohanne de Veterana, ambo vir et uxor civitatis Monopoli diu cum deliberacione provide meditantes quod vita nostra velut a texente precipitur et quia flos agri conteritur et marcescit, terrenis contemptis opibus servire deo magis eligimus [animarum] et bonorum nostrorum dignum sibi facere olocaustum, ut preinde ab eo qui vita est vitam possimus consequi sempiternam. Qua propter in presencia domini Roberti Cupersani Iudicis, Angeli Iohannacii puplici eiusdem terre notarii Nicolai Riccardi et Pardi notarii Leonis de Baro, Domini Guillelmi de Armenisi et domini dicti notarii Angeli eiusdem

terre civium testium subscriptorum ad hoc specialiter vocatorum et rogatorum consen-
cientes in predictos iudicem notarium et testes tanquam in nostros cum sciremus ipsos ex
certa consciencia nostros non esse. Ego predicta mulier a predicto domino Iudice de vi
et suasionem legaliter inquisita. non suasa nec vim paciens stantibus mecum et consentien- 20
tibus magistro Petro de Potiniano habitatore Cupersani mundoaldo meo, Deone et Conto de
Osberno civibus monopolitanis parentibus et advocatis meis. cum auctoritate etiam et con-
sensu predicti viri mei, bona mea et gratuita voluntate per capillos, ut moris est, offera-
mus nos et nostra, tam mobilia quam stabilia infrascripta que habemus et possidemus 25
intus Monopolo et extra deo et monasterio Beati Benedicti de Cupersano in manibus do-
mine Ysabelle venerabilis abbatisse et conventus eiusdem monasterii cisterciensis ordinis.
Videlicet domum unam intus in Monopolo existentem in pictaceo Sancti Salvatoris per
hos fines a parte austri et occidentis est domus Maionis filii quondam Sire Guilelmi
de iuntas, a parte boree est domus Angeli de Sale et domus sire Guarini de sire Sarolo.
Item in Casale dicto Bagono domum unam casile unum, curtem cum palearia una 30
et cum curticella una, per hos fines. a parte maris est domus domini Leonis de Sire
Balsamo a parte boree est domus que fuit quondam Eustasii de Oliva et nunc est sacre
domus hospitalis Sancti Iohannis Ierosolimitani. a parte maris est palearia et casalina Sancti
Iacobi de dompno Mudaro, item arbores olivarum septem prope Bagonum intus in una
lama que dicitur de calcareis. Item arbores olivarum decem et octo in eodem loco Bagono 35
commixtas cum olivis dicti Sconri, item olivas cum terris quibus consistunt parte ipsum
bagonum in loco guragij per hos fines. A parte maris et boree sunt olive Iudicte filie conti
Iohannis Malabranca. a parte austri est vineale dicti hospitalis Sancti Iohannis, item oli-
vas cum terris quibus consistunt proprium bagonum intus in una lama que dicitur vinea
vetrana per hos fines a parte maris sunt terre predictae Iudicte a parte austri et maris 40
sunt terre maclose dicti Bartolomei de Lacu, a parte boree sunt terre maclose Grimoaldi
filii Ursi Leonis de Nauclerio Sconro. Item pezzia una de terra. cum olivis in predicto
loco Bagoni per hos fines a parte maris sunt olive Iohannaccari filii Romacce a parte
boree est peccia terre que fuit Cite Saracene uxoris iudicis Salagium et nunc est mo-
nasterii Sancti Stephani de Monopoli et iuxta terras dicti Sconri ex parte austri, item 45
alias olivas cum terris quibus consistunt que sunt in area Bagoni per hos fines a parte
maris est via publica que va[dit] Gaianum, a parte austri sunt olive predicti domini
Leonis. a parte borea et maris sunt terre et olive Belle nepotis predicti Sconri. Tali modo
ut a presenti in antea omnes predictae et quales sunt. sint in dominio proprietate
et possessione dicti monasterii ad semper habendum tenendum et possidendum res ipsas 50
cum suis omnibus pertinentiis et utilitatibus cum omnibus in [habi]tis et contentis
cum transitibus et exitibus suis usque ad vias publicas obligantes nos per vadium cum
dicta iurii sollempnitate sollempni stipulacione interposita nobis fideiuben[tibus] in

predicta nostra oblacione et nullo unquam tempore contra eam venire set eam firmam et
 55 stabilem observare, defendentes bona ipsa predicto monasterio ab omni humana p[ersona].
 domine abbatisse et eius conventui vel earum subcessoribus promictimus et spondemus
 obedienciam et reverentiam in omnibus exhibemus. Unde ad futuram memoriam et pre-
 dicti monasterii cautelam de predicta oblacione nostra presens puplicum instrumentum
 60 eidem monasterio fieri fecimus per manus predicti Angeli puplici Cupersani notarii signo
 eius solito predictorum domini iudicis et testium subscripcionibus roboratum. Nos vero
 predictus Iudex notarius et testes fatemur predicta omnia coram nostra presencia ce-
 lebrata esse ut superius continetur. Quod scripsi ego predictus Angelus puplicus Cuper-
 sani notarius qui predictis rogatus interfui et meo consueto signo signavi.

† Robertus Cupersani Iudex.

65 † Ego Riccius puplicus Cupersani Notarius.

† Ego Pardus pup. Cuper. Not.

† Ego dominus Guillelmus testis sum.

† Ego Nicolaus puplicus Cupers. Notar.

† Leo negotiator Simonis filius.

70 † Ego Iohannes notarius Angeli testis sum.